

مرکزاں مانہہ ووٹ کہلین گآ۔ جد کہ 4 سو 73 کشمیری پنڈتاں غا پو سٹل بیلٹ سرینگر گا ریٹرننگ افسر در بھیج دتا ہیں جھیڑا جے مُلک غا الگ الگ علاقآں مانہہ رہ ریبا ہیں۔

<><><><><><><><><><>

ECI Spl Polling Station

دہلی مانہہ رہ ریبا کشمیری ما نگرتاں نانہہ سہولت فراہم کرتاں واں بھارتی چناؤ کمیشن نے جموں کشمیری غی تمام تر لوک سبھا نشستآن گے دوران قومی راجدھانی غا بکہ بکہ علاقآں مانہہ خصوصی پولینگ بوتھ غو انعقاد کیو تاکہ وے ووٹ کہلن آلا تہاڑے جا غے اپنا حق رائے دہی غو استعمال کر سکیں۔ ان پولینگ مرکزآں غو کشمیری ریزڈینٹ کمیشن 5 پی آر سڑک نوی دہلی، کشمیر کسان کہر بی آر 2، شالیمار باغ وغیرہ علاقآں مانہہ قائم کیو ہے۔ بھارتی چناؤ کمیشن نے بدائیت جا ری کرتاں واں کہیو ہے جے تمام تر کشمیری ما ٹیگرنٹ جھیڑاں خصوصی مراکز مانہہ اپنا ووٹ غو استعمال کریں گا۔ انہاں نانہہ نقل و حمل گے سہولت مفت مانہہ مہیا کرائی جائے گی۔

<><><><><><><><><><>

ECI Suvirdha App

بھارتی چناؤ کمیشن نے بموار اور شفاف انتخابی عمل نانہہ آسان بنان واسطے شروع کیا اقدامات غے تحت ”سویڈھا ایپ“ شروع کی ہے۔ جس نانہہ اُمید واراں اور سیا سی جماعتاں واسطے انتخابی مہم غے دوران درکا ر بکہ بکہ اجازتاں واسطے درکا ر درخواست غا عمل نانہہ بموار کرن واسطے تیار کیو گیو ہے۔ اس طرح یوہ پو رٹل ون سٹاپ حل غے طور ور کم کرے گو۔ تاکہ اُمید وارتے سیا سی جماعتاں نانہہ باختیار بنایو جا سکے کہ وے موثر اور آسانی سنگ درخواست دین اور اجازت حاصل کرسکیں۔ سویڈھا ایپ ور دستیاب بکہ بکہ اجازتاں مانہہ میٹنگز، اُمید وارتے سیا سی جماعت حلقہ بندی مانہہ میٹنگ کرن غی اجازت با رے درخواست کر سکیں۔ تاکہ وے ووٹراں سنگ برائے راست گل بات کر سکیں۔ اس ضمن مانہہ چیف الیکٹورل افسر پانڈورنگ کے پوله نے 2024 غا انتخابات مانہہ حصو لین آلا اُمید واراں اور سیا

سی جماعتاں ور زور پایو جے وے اس غو استعمال کریں۔ مزید جانکاری واسطے
امید وار تے سیا سی جماعت

<https://suvidha.eci.gov.in>

پو رٹل دیکھ سکین۔

<><><><><><><><>

Hajj 2024

عازمین حج غو پہلو قافلو اج سرینگر مانہہ واقع حج باؤس بمینہ پُجیو۔ اس ضمن
مانہہ عازمین حج غا پہلا قافلہ واسطے پُجن گو وقت سویرے 8 بج غے 30 منٹ
مقرر کیو گیو تھو۔ اس دوران تمام افراد نے روحانی اُمید غا ماحول سنگ گلے مل غے
خانداناں تے اپنا پیاراں نانہہ دلی دعوواں غے نال الوداع کیو۔ عازمین حج غا دوجا
جتھا واسطے 11 بج غے 30 منٹ غو وقت مقرر کیو گیو تھو۔ سرینگر بین القوامی ہوائی
اڈہ توں کُل 642 عازمین حج دو پروازاں مانہہ روانہ ہوا ہیں۔ قابل ذکر ہے جے اس
سال جموں کشمیر غا کُل 7 ہزار 8 عازمین حج غا مقدس فرائض نانہہ انجام دیں گا۔

<><><><><><><><>

یہ خبر تم آکا شوانی جموں تیں سُن ریا ہیں خبراں غا باقی حصہ نال محبوب
سلطانی۔

CASO Poonch

ضلع پونچھ مانہہ 4 مئی نانہہ بھارتی فضائیہ غی کا نوائی ور حملو کرن آلا دہشت
گرداں بارے سُولان واسطے محاصرہ تے تلاشی کا روئی جاری ہے۔ مہارا آکا
شوانی جموں غا نامہ نگار نے خبرٹوری ہے جے حفاظتی دستاں بشمول فوج،
پولیس، سی آرپی ایف غی طرفوں سُر نکوٹ بلیٹ غا نزدیک 20 سکيور کلو میٹر غا
علاقہ مانہہ تلاشی کا روئی جاری ہے۔ فوج غی طرفوں نگرانی آلا سامان بشمول
ڈرون اور کھوجی کتاں غے ذریعے شاستر، گُرسائی، سنٹی، لسانہ، شیندرہ ٹاپ تیں علا
وہ ضلع پونچھ گا نزدیکی علاقاں مانہہ تلاشی کا رائی کی جا رہی ہے۔ حفاظتی
دستاں غی طرفوں دہشت گرداں غی پشان واسطے 3 توں 4 تصویر جھپڑی علاقہ
غا سی سی ٹی وی کیمران توں لی ہیں نانہہ بُن عوامی طور شائع کردتو ہے۔
اس تیں علا وہ سُر نکوٹ مانہہ مشتبه 2 دہشت گرداں غی سُولان واسطے 20 لکھ

روپياں غو نقد انعام با رے پو سٹر لایا گیا ہیں تاہم اس سلسلہ مانہہ پوچھ تاچھ واسطے 26 افراد نانہہ گرفتار کیو گیو ہے تے حُکام غی طرفوں مزید سی سی ٹی وی کیمران نانہہ کھنگالیو جا ریو ہے۔ اُنکاں راجو ری ضلع غا ساڈا تے کھانڈی علاقہ مانہہ حفاظتی دستاں غی طرفوں تلاشی کا روائی منگلوار آلی تہاڑے شروع کی گئی ہے۔

<><><><><><><><><><>

Kulgam Encounter

بھارتی فوج نے ضلع کلگام غا ریڈوانی پائین علاقہ مانہہ جاری آپریشن نانہہ ختم کر دتو ہے۔ جس مانہہ 3 دہشت گرداں نانہہ مار مکایو گیو ہے۔ سماجی میڈیا غی ویب سائٹ ایکس ور بھارتی فوج غی چنار کور نے جانکاری دیتاں واں دسیو ہے جے 6 تے 7 مئی غی درمیانی رات نانہہ سانجھا طور ور ریڈوانی پائین علاقہ مانہہ یوہ آپریشن شروع کیو گیو تھو جھیڑا کہ 40 گھنٹاں غی لگاتار نگرانی توں بعد اختتام پزیر ہو گیو ہے۔ اس دوران 3 دہشت گرداں نانہہ مار مکایو ہے تے اس طرح دہشت گردی غا ماحولیاتی نظام نانہہ اک با رپھر توں ختم کیو گیو ہے۔ چنار کور کشمیر مانہہ امن و سکون برقرار رکھن غی وعدہ بند ہے۔ واضح رہ جے حفاظتی دستاں نے 2 دہشت گرداں نانہہ منگلواریں تے اک نانہہ پچھلی شام مار مکایو تھو۔

<><><><><><><><><><>

LG Meeting

لیفٹنٹ گورنر منوج سنہا نے کل اک میٹنگ غی صدارت کر غے ثقافتی محکمہ غا کم کاج بارے جائزو لیو۔ جناب سنہا نے متعلقہ محکمہ غا افسراں نال گل بات کرتاں واں کہیو جے جموں کشمیریوٹی مانہہ ثقافت غا بابدہ تے ات غا ثقافتی ورثہ نانہہ کس طرح بچایو جاسکے۔ لیفٹنٹ گورنر نے اس گل ور زور دیتاں واں کہیو جے ات غا ثقافتی ڈھانچہ نانہہ بچان غے نال نال اُس واسطے مضبوط قدم چاہ گے اُس نانہہ منظر عام ور آنیو جائے۔ جناب سنہا نے متعلقہ محکمہ غی طرفوں عوام واسطے بنائی گئی لائبریری بارے وی پُچھیو جے عوام غو ان لائبریریاں بارے کہ رُجحان ہے۔ ایل جی موصوف نے مزید کہیو جے وے نوجوان جھیڑا جے کتاب پڑھنو پسند کریں اُن واسطے ڈیجیٹل طرز ور کتاباں نانہہ میسر کرایو جائے۔ میٹنگ مانہہ

عجائب کہراں بارے گل کرتاں واں جناب سنها نے متعلقہ محکمہ نانہہ کہیو جے
عجائب کہراں واسطے ڈیجیٹل نظام تیار کیو جائے۔ لیفٹنٹ گو رنر نے لائبریریاں تے
عجائب کہراں مانہہ آغے تحقیق کرن آلاں نانہہ کہیو جے اُن نانہہ تحقیق کرن مانہہ ہر
ممکن سہولت فراہم کی جائے گی تا نچے وے ات آگے بہتر تجربو حاصل کر
سکیں۔

<><><><><><><><><><>

Div Com

صوبائی کمشنر جموں رامیش کمار نے پچھلا تہاڑے سول ملٹری رابطہ میٹنگ
غی صدارت کی اس دوران اُنہاں نے اُن امور ورتبادلہ خیال کیو جن واسطے تمام تر
شراکت داراں بشکار اجتماعی کاروائی اور اتفاق رائے غی ضرورت ہے۔ میٹنگ
مانہہ جموں، سانبہ، کٹھوعہ، پونچھ، راجوری، غا ڈپٹی کمشنراں اور جموں تے اُدھم
پور غا متعلقہ دفاعی اسٹیٹ افسر نے شرکت کی۔ 16 کورغا نمائندہ نے ا
سدوران بکھ بکھ ایجنڈاں بارے آگاہ کیو جن مانہہ مزین غی منتقلی تے دیگر
شامل ہیں۔ اس دوران ایجنڈا غا ہر معاملہ ورتفصیلی غور خوض کیو گیو۔ اس تیں
علاوہ ضلع وار میوٹیشن معاوضہ اور دیگر اہم ماور ورتبادلہ خیال کیو۔ جس ورت
سول تے فوجی حُکام غی طرفوں کاروائی غی ضرورت ہے۔ جناب رامیش کمار نے
ڈپٹی کمشنراں تے دفاعی اسٹیٹ افسراں نانہہ بدائیت کی جے ان مسائیل غو جلد از
جلد حل کریں۔ اُنہاں نے تمام تر شراکت داراں نانہہ کہیو جے وے ہم آہنگی نانہہ
برقرار رکھیں اور تمام متعلقہ معاملات ورتجانکاری نانہہ بروقت یقینی بناویں۔
میٹنگ مانہہ جموں یونیورسٹی غا نمائندہ وی موجود تھا۔

<><><><><><><><><><>

اس غے نال ہی خیراں غو یوہ بلیٹن ختم ہوؤ۔